

兩朝從信錄

兩朝從信錄卷之四

秀水

沈國元述

十二月甲辰朔

給事尹同臯言官聯宜久任以責成効

其最重且大者如吏部司官當以三年爲滿一年上考

二年員外三年郎中如是而後議升焉

如京營簡閱科道當以二年爲滿勿數月一更

如巡城御史當以一年爲滿勿三月一易

如提學當以歲科兩考爲滿不得乘便那移一考半考

而輒議更

如職方尤當今急務所宜一體酌議

如邊撫邊道責在封疆自應久任然不慎選其人早者

媚虜剝軍銳者氣高見舛此又不可不斟酌以求其至

當者也

吏科成明樞奏飭吏治一防推諉以責實職一明進退以

國場未靖
急在練兵
然必將得
其人則練
有實効特
議繁也惟
中有定見
耳

彰大義一杜請托以勵風節一慎起用以清朝常一速覆
結以防壅蔽一禁套辭以重國是一責撫按以約考語一
督監司以責守令一重久任以澄本源

禮科周希令奏曰臣前待罪兵垣得與聞邊事故前疏謂
兵不可再募民不可再派止當訓練節核已蒙

旨着該部議覆矣臣愚靜聽妄謂已募者隨令出關未募
者即行停止將所省安家行糧抵作加派之數發遼東使
該鎮士飽馬騰得餉更愈于得兵惟在將將之人善用將
善練兵耳與其用烏合之衆充虛數不若用已試之將得
實效彼將各有親丁可以臂指相使則李懷信柴國柱仍

真嘉善
情候國

當調用者也。聞寧夏總兵王汝愈、甘肅總兵祁秉忠俱身
經百戰，且蓄有勇士壯丁，十可當百。頃遼左新經撫有請
二帥之意，該鎮當聽其去，毋相批留。奏凱之日，三鎮并叙
可也。至宣大密邇神京，近來夷夏雜處，以爭貢未定，即
當年奴酋與北關相持故事，隱憂叵測。先事預防，必得謀
勇才能，始克勝任。乃以當之，此弁生長中土，夷情

全然不知。到任數月，激變幾番，專以燒煉採戰媚人。今之
遼左已爲殷鑒，尤可任騙貪之將一悞到底乎？臣以此深
訝去國諸臣藻鑒之不明也。聞去歲宣軍激變，副將楊愈
茂能解散，彼中曾以愈茂爲大同請，不知樞臣何故易以

不知軍旅之

反以有用之人投之京營之地及近

日有言

之短者樞臣又爲彌縫無怪乎交章論樞

臣之誤國矣且楊鎬逮矣廷弼勘矣掌樞者非事外之人獨得無恙已非法之平矣試思十年前寺臣申用懋督臣王象乾咸以奴酋必叛爲請彼時無有應之反有阻者至今釀成遼左決裂之禍追悔何及若今不早爲宣大計卽爲臣言爲得何益哉總之疆場壞事因用人之失始也自今樞部當遵

詔旨破格咨訪天下之大草澤中豈謂無人卽如臣耳目所共知如游擊夏士昌千總葉時新守備成已百戶鄒紹

武皆謀堪決勝。曾經征倭。并備山海及南都水營。俱已經奏效。樞部酌其才。用其人。使地方得人。若拘定俸薦。不論人之有用。未有不敗。臣因用人關係安危。故并及之。至于練臣練兵。初意原爲京師單弱。請建敵臺。教習京營戰守。以爲右重。馭輶之勢。此先臣丘文莊三輔宿兵故智。即協臣黃克纘先調南兵一千。後募二千。亦欲以練南者練北。倣漢武教羽林遺意也。後乃浸失其意。不練京兵而練民兵矣。民兵不能六萬而二萬。又不二萬而六七千。又不能六七千堪練。而老弱居半。調來南兵。不惟不能練北。且北與之鬪矣。夫練兵若以援遼。則當練之遼地。遼事平而練

局結練兵若原以衛京城則當兼以京營京營壯而練功
成今旣援遼又不兼京營則此練局亦必遼事平而罷耳
遼事平而罷則練者已散而之四方京營之廢弛猶故也
何以爲衛京城豈費幾許金帛幾許官職幾許搜揀不能
爲百年之計徒以備一時協守之用固無庸一大將又安
所庸一練臣也又部議三四千人減一千防喜峯等口又
或令三千合永平山海新兵七千爲一萬移山海關則又
安所置練臣也練臣前疏自裁請及今奉

旨汰處然則汰處畢而練臣之局亦結矣此一宜議也再
照南兵三千如不繫之舟旣已糜餉又習教玩愒安所置

之。此又一宜議也。近見部疏當挑汰三千。務費一餉得一兵之實用至當矣。臣以爲調募南兵。斷不宜與京兵雜處。宜移駐通昌。務合兩兵。增兩鎮之重。有因便焉。敬陳于左。南兵仰給南糧。定不能繼。議者欲權以京班銀佐之。此項原爲京營設。數亦不多。斷乎不可。今于通昌汰兵三千之遺餉。即養此三千南軍。則兵不闕額。餉不另增。其便一。北軍月米一石。南軍一兩二錢。操防同而給餉異。勢必相妬。有甚于今春之鬪者。何以比蛇足而添京營一擾乎。今移駐通昌。餉旣相等。且兩地分曹而練。各自安習。其便二。京操未明而集。日舖而散。不聞鞭賞。一人間稍振刷。群起而

嘩之南操較藝角勝行賞飭罰非竟日不完合練于通昌
不致以京操之煩勞南兵即欲藉口偷安能乎其便三通
昌藩衛京師呼吸緩急朝發夕至向俺荅內寇設有一重
兵扼其中何敢驟指

關乎今練兩兵于此隱然虎豹當南接天津北聯居庸永
可建威消萌其便四此四便者要惟因兵轉餉一轉移間耳
然臣終不能忘情于久逮之計也合無京營量挑選鋒之
雙糧者三千即擇一營將領之另爲一營于兩營酌中之
間練法受成練臣日操聽之將領自山海關內董家等處
遇有調發三營更番迭出防畢仍駐本處內京營選鋒三

千。訓調一千既畢。許即營中選鋒。別更選調。周而復始。其
掣回選鋒。即着原將領照舊操練。不雜不懈。庶幾二三年
間。京營必漸改觀。臣即以此九千人教京營。京營強矣。獨
有議餉一節。三鎮募兵。既不許更番。則當另議加餉。如部
議數。京營調出。及南兵或即于京班銀中。量加犒勞。或于
南中一千額內。量解濟賞。可也。此非臣之臆說。亦科臣楊
漣科抄中而謂更于三鎮之兵。與京營兵量選成營。真確
論也。至于堪任將領。于京營中。無論楊愈茂者。然臣知其
才堪大用。此當于營將中別選。若南兵游擊張超。頗有才
力。可以量行加銜統領。其他非臣所知也。惟

陛下念疆場多事內地極虛即

勅下部如果臣言可採本部自有從長條奏矣

大賞大罰
最宜慎重
絕有關係
之疎

六日巳酉御史張捷慎微決壅疏曰竊惟人主以夾輔責
之大臣以糾彈責之言路而中官者供洒掃給使令傳命
之外無他職業然朝夕居人主側易見親信賢固資其贊
襄否則遂受其蒙蔽豈不有關於主德哉伏念

皇上幼冲血氣未定日講既輟數日一朝就此臨朝之日
又不過起拜套數半晌還

宮其所朝斯夕斯而周旋客適者伊何人耶竊竊六尺形
影相憐一身之外都無足恃

諒然也

皇弟皇妹、嗟骨肉如外人、大臣言官、望宮闈如天帝、每一念之、臣心欲嘔、輔養之功、旣不得之于閣臣、漸染之微、似轉操之于中官、曾共受

皇祖

皇考厚恩、共是

皇上臣子、獨不一爲

皇上念之耶、恭覩近日

批發科臣李春燁聖齡方茂一疏、仰窺睿明遠覽、真是

聖躬有關於民社之重、而又示該監以職守嚴密、

敕外廷不得過疑、夫臣子何敢有疑于君父哉、愛之至而

疑生焉。或起居飲食之欠調。或愛憎嘖笑之時假。如生如存之念。或懈于皓齒蛾眉。用賢圖治之功。或分于左右便嬖。今

皇上謂煖閣內司禮監等官。職守嚴密。此固外廷諸臣之所深願厚望于此輩。而不敢必得者也。望之至而疑又生焉。新進恃才之銳。或遂以竊弄爲精神。老成戀寵之濃。或遂以將順爲容悅。安知非矯持太阿之漸。微疵毫舉。安知非吃緊防川之自。數拜酬勞。安知非朦朧封爵之機。臣輩亦何仇于中官而疑之。倘賢如懷恩譚吉諸人。于官中能多所

三場刻辭
結公方能
用此據他
人誤為此
並所用

人賞

匡正而一毫不以私意抗外廷臣將贊揚之不逮何疑之
有不然臣于大臣猶疑之何況中官科臣之疏有曰大臣
與言官爲二則必與中官爲一知言哉臣謂大臣不能與
言官爲一則不如善一二力秉至公折衷群議何乃驟
無可否而摧折之術又敢干明用也大臣不能與中官爲
二則不如善一二因其惜富貴之心堅其顧名義之念使
誘掖獎勸之有友此輩何嘗不可爲善上以勤護

聖躬中以調維骨肉豈無少補耶且

○從○去○方○氣○原○委○理○

朝端之地儘有光明正大一路聽大臣之自立自行更不
須仰人鼻息者如今日最不可與人之大賞莫如王昇臣

同官徐揚先言之、部臣黃克纘又言之、支吾敗露、情迹顯然、實勞當酬、殊封難目、有何不釋之疑、況

皇上篤志

聖恩、加惠 懿親、不在速而在真、倘早爲他人所竊目、而

聖母之根本水源、終無見 天之日、此正

聖心所大不安也、臣謂

聖母嫡親家屬、不須尋訪、只須究王昇父子可立見矣、但准其自首從寬、仍不妨量示優容、陷詐僞之重罪、沒望賞之微勞、臣有以度小人之腹、其愚斷不至此也、今日最不可緩之大刑、莫如楊鎬、李如楨、鎬逮年餘、如楨逮又數月

矣、陷城辱國、罪在不赦、業奉

嚴旨有難結之案、此之不結而李維翰、鄭之范、劉國縉、周永春輩、又安望其議建議禡、不爲網外之漏耶、至若忠有當乎安儲、用貴存乎程品、念提期于爲國、事有異而同歸、年來軍兵告急、航海餽糧、颶風作祟、動遭颶失、數百人之生命、以魚爲窠、數萬石之軍需、以淵爲倉、傳聞登萊附海諸郡、大戶虛應、窮徒包替、不惟利彼重鎗、兼以耗我軍實、滿載泥沙、漂沒糧船、並下、豈可無術而處于此、旣急軍興、勢不得不海運、欲善海運、道莫若覆題餉臣于五月間過徐、見南岡臣于仕廉者、籌之甚悉、仕廉清品真才、留心經

濟處徐數年親歷踏視鑿鑿以爲可行官則責成治海之
方面有司而民不騷擾外則更番增額之防倭班軍民不
苦勞計費金錢二十萬而足大新河果成則以三百里之
安流避大洋數十里之湍與其委百萬餉于莫測之洪濤
莫若損此二十萬金錢聽問臣條上而採行之成見當融
毋持廢河悞國之邪說便宜當假毋蹈經臣掣肘之前車
練臣殉國恤而并請重任練臣者務事權而責成效欲用
則必假以爲之權不可用則當還之故吾之地柰何處彼
于若用若弃之間灰將來勞人志士之志臣恐籌國事則
智者誠多顧身家則愚者亦少且夕有急相舉而創練臣

執方爲 國家出死力者大臣于 朝廷大賞罰大機宜
自當平心定議爲

皇上力持之豈盡糊塗兩可之間揣摩于不可知之意而
爲哉伏乞

聖明察外廷忠愛之微忱存深宮慎防之至慮嚴

敕一應中官無大無小咸懷忠良罔干外政而又使大臣
克舉其職言官得盡其言則官府通爲一體而明良比隆
三代矣

辛亥御史王業浩奏曰今日

御旨傳宣臣捧讀中間備述 選侍之顛末及移官前後

之光景

旨內情辭不無微有可酌伏祈更出

明綸以與中外共曉或暫收還原

諭召輔臣等商定而後播傳臣茲亦不敢明指

諭詞隱重等語而止以四言進夫一選侍也昔爲寵嬪

今一子焉匹婦耳當噉鷲之一炬而不灰而

皇上邇來所以恤而周之者更云極爲優厚罔所虧欠而

舉朝尚有煩言乃

皇上之心亦甚覺有不安而面諭批諭一諭再諭者何居

皇上之獨知也

皇上之心安而安

宗社者之苦心血誠亦白於天下至安 選侍之題目又誰敢爲之耶此臣所伏願

皇上靜思者一

先帝青宮毓德止孝止慈一月當陽千古讓美聖神乃爾何以一女子之微生如許枝節今

皇上踐祚英明仁孝迥邁百王

先帝之心亦已大憫設如

諭內 選侍不可言之毒惡尚秘

諭內閣不令發抄

聖恩如天，是生選侍者，即所以不死。

先帝也。但如所云，派與照管，并殿崩等語，天下萬世不察則。

先帝止慈，御家之盛德，不無少損。且曉人何必至此，此臣所伏願。

皇上之慎重者，二天祚。

聖母起于困苦艱難，純和懿德，度越后妃，爲生。

聖躬正位素定，何至以房閤之細，橫來批煩之見。在選侍即死，有餘辜在。

聖母則生，豈妬寵此臣所伏願。

皇上斟酌者三。父母之明。不共戴天。即在普天率土。臣子亦切同讐之義。而

聖諭至此。且曲處如此。則前此之肅清。既未得爲義之盡。今此之優厚。亦不得爲仁之至。

皇上將何居焉。且外庭臣工。比肩共事。

一主。討讐。問逆已矣。而

皇上亦且分日之目。安

社稷。安。選侍。則水火之情形。既判。玄黃之戰。辯左。與雖不。讐。安。不安之題目。何時纔了。此臣所伏願。

皇上潛消默奪者四。奏。留。中。

移官始末
此疏計明

之恒

則自遷移

右以也

乙卯都給事楊漣敬述移官始末疏曰前月 李選侍移
官一節避

至尊之宸扆嚴相安之分位此亦選侍本等事耳但當時
所以移官其始末情形惟護 駕諸臣知之外廷未必盡
知也外廷未必盡知中外臣民則盡不知矣夫在中之真
情景未若則在外之閑猜度轉訛及今不一昭明將醞釀
今日之疑端漫成他時之實景是亦諸臣含濡不言之過
矣臣以一介草茅屢蒙

先帝召見又叨

皇上眷顧嘗入護從既日擊當且情形亦且身在事內再

四思維何敢不一語請與中外直述其光景可乎每竝
先帝憑几之言留神

國事間亦與選侍鍾情而畢竟再四叮嚀則曰輔

皇上要緊當時選侍忽從門幔中手攙

皇上而入復推

皇上而出隨有要封

皇后之言諸臣相顧錯謬臣更不勝忿激杞憂以我

朝家法甚嚴且召對內廷更宜何如嚴肅況

先帝動念壽宮君臣正相引痛之時而忍于要挾求封作
此悍然舉動似非知有顧忌憚者萬一事權到手僅僅名

封足了其稱制垂簾之意乎哉。臣是以心口相問。憂來無端。此八月二十九日之光景也。迨九月初一日子夜。

先帝又急召諸臣。臣從諸臣再至。

宮門而

龍馭上賓矣。痛哉。是時諸臣謂

先帝前日几前。殊于諸臣戀戀。今茲夜半急

宣。當有未盡深語而已。不可問矣。此時

主君爲重。宜急于請見。一見即呼

萬歲。以慰人心。而守

乾清宮門內使。乃有持梃不容閣部大臣入者。臣目犯忿

置謂

先帝宜召諸臣、今已晏駕、

皇長子幼少、未知安否、汝等與官人閉官堅阻、不容顧命大臣應召、請見意欲何爲、此初一日卯刻入官之景象也、諸臣哭臨畢、恭請見

皇上于寢門、拜呼萬歲、

天語荅以不敢當者三、諸臣懇捧龍軒至文華殿門、行嵩呼叩頭禮、已而大小臣民共祈

皇上即日登極、諸大臣以儀注未備、表箋未上、太平世殆不宜草率張皇、

皇上斷以含殮未完、祀告未行、傳諭容卜吉、而諸臣皇皇猶深以本日不登極爲危者、蓋

先帝變出倉卒、上無聖母之憑依、中無皇后之慰藉、而在旁之窺伺、誰爲可恃、以故中外洶洶、共有過慮、此初一日辰刻之光景也、邇時諸臣又議

皇上宜歸何宮、有謂即當責選侍托以

皇上者、臣思想

先帝要緊語意、又思想前日攙入推出景象、又習聞其上深相交結之寵貴、下有忍

皇上之黨與中心不敢應承但云從來冲齡

天子不宜托之素無恩與德之婦人且選侍如可托

皇上必深知之雖強之離而不得如不可托

皇上亦必深知之雖強之留而亦不可得

聖駕果徑歸慈慶宮矣此初一日巳刻之光景也況

御極之期既定于初六至初二日九卿科道有移官之

公疏御史左光斗有移官之專疏蓋因

皇上一正九五決無避宮又無復返青宮之理而斷

斷又不可以同居至初六日猶抗不奉

旨而期且迫矣臣是以有

正位。叅及李進忠等之疏。摠以官旣不得不移。自不得
不以

新天子即位。宮嬪自有定分。亦各有定官。即欲加恩。選
侍。原不在官之移與不移。且避

至尊。安本分爲選侍。自處計。亦不可謂不遠。且深不然。
常繼述相傳之初。李進忠等乃敢以包天積惡。挾舊宮嬪
踞

天子之官。以抗

冲年之新主。俾

登極之後。與青宮非理。歸乾清。未便是尚成其體。統正而

揚公調酌
極善無乃
便之揚波
鼓浪者矣
甚耶

朝廷尊也。此初五日午刻。臣從諸臣于

慈慶宮前。憤爭。移宮之光景也。至本日。移宮。臣隨向
諸大臣說。移宮自移宮。隆禮自隆禮。必兩者相濟而
後。

二祖

列聖之大寶始安。

先帝在天之靈。始妥。大臣于此。密有調停。即本日緝獲罪
瑞。只宜殲厥渠魁。無深求蔓引。大抵

主上冲齡。方其宸居未淨。

先帝社稷之付託。爲重。則平日之寵愛。爲輕。及其宸居已

定既盡臣子防危之忠即當體

皇上如天之度今諸大臣猶在耳也臣之所以議
移宮者始終如此嗟夫保護

聖躬肅清 官禁三公大老饒有主持且臣子尋嘗事臣
不過從傍與聞末議俱不足言不欲言亦不必言乃再拾
陳語瑣言之豈得已乎哉 移宮之宜速諸臣等一時過
計私憂而止見

皇上之當尊乾清宮之當淨絕不見宮嬪之有可徇亦絕
不見移宮之有甚苦乃移宮之後不知何來蜚語有捏倡
選侍徒跣踉蹌欲自裁處并捏稱 皇八妹失所至于投

井者、或傳處罪璫過之甚者、有內外交通作成此事者、使夙夜憂時之士、悞收爲一時感慨歎息之資、恐作此日不自之案、有關係不但在臣職、安敢無言。夫初一出官之議、事在呼吸之間、初五移官之事、爭在九卿疏請之後、懲前慮後、時日宜然。

九廟神靈鑒此熱血。若夫緝拏罪璫等、又譬如人家主人謝世、群僕相與竊其帑藏、主人之子偶一寃問、創懲此亦清蠹破冗之一道、只在法司酌議之平耳。亦且于選侍恩禮何與。至今日有以此爲選侍惜者、臣謂寧可使今日惜選侍、無使移官不速、不幸而成女后獨覽文書、稱制垂

簾之事。彼三十餘年。憑依蟠結之羣邪。又或得以因緣多事。于以保惜先年寵愛。則得矣。而輔

皇上要緊之深意。在天之靈果以此爲愉快也。況兩奉

聖諭。選侍居食。恩禮有加。近以 噦驚官火。復奉有選侍

皇八妹俱無恙之旨。方知

皇上雖念及于

孝和皇太后之哽咽。仍念及于

光宗先帝之唏歔。海涵天蓋。又盡仁無已。是善處官闈恩禮之間矣。臣區區一念之愚。願與中外示者。如今當一陽來復之期。又是天心大轉之念。倘蒙

皇上聖明察臣之愚衷、赦臣之罪過、乞採臣之懇言、更於
皇五弟、皇六妹、皇七妹、皇八妹、時勤
而優念其弟妹不妨曲及其若、李選侍者請自上裁、再
酌加恩、數亦遵愛

先帝之愛子、愛女耳、當亦

聖母之所共喜者、并祈傳知閣部以服中外之心、以完
堯舜之美、而以慰

先帝聖母于九天矣、愚臣幸甚、社稷幸甚、臣無任激切待
命之至、

上曰、登極移官事情、不惟科臣所親歷、且文武大小臣工

其見者乃極公極正極真極切覽奏甚愜朕心着昭示中外以釋羣疑楊漣當日竭力忿爭志安社稷忠直可嘉詔曰朕自冲齡登極以來仰托

祖宗默祐內外清平每加喜悅以爲大小臣工皆朕臣子聞誠布公勸勅庶政定無異議不意外廷近來乃有謗語妄生猜疑日至輕聽盜犯之訛傳釀成他日之實錄誠如科臣楊漣所奏者朕不得不再伸論避宮始末以釋羣疑九月初一日

皇考賓天閣部文武大臣科道官進宮哭臨畢請朝見朕躬李選侍將朕阻于煖閣卿等再四奏請欲朝見朕不可

得當時若非司禮監等官設法請朕出暖閣面見大臣李選侍許而後悔暨朕出暖閣又使李進忠等請出如此者兩三次不放出暖閣司禮等官又奏說大臣朝見了就回選侍方許朕出暖閣朕至乾清宮升座大臣扈從前導選侍又使李進忠等將朕衣拉住不放若非司禮監奏請朕前進不可退又不能出見大臣矣及至前宮門選侍又差人數次着朕還宮不令朕御文華殿卿等親見當時景象安乎危乎當避宮乎不當避宮乎一向刑部及各衙門欲行庇護之謀先籍安選侍爲題目使是非混淆朝政不寧輔臣義在體國爲朕分憂如此等景象何不代朕傳諭

一言屏息紛擾君臣大義何在初一日朕自

慈慶宮至乾清宮躬視

皇考入殮選侍又阻朕于暖閣不放出入司禮監王體乾等奏請說大臣在前宮門恭候扈駕請蚤回選侍全然不聽王體乾等請三四次方許朕出暖閣初二日朕至乾清宮朝見選侍畢恭送

皇考梓宮于仁智殿未行禮畢選侍差人傳着朕必欲再朝見選侍畢方許回

慈慶宮扈從大臣科道各官皆所親見一朝不肯必至于朝乃明明是威挾朕躬垂簾聽政之意朕蒙

皇考派在選侍照管朕不在彼宮居住其飲膳衣服皆係
皇祖

皇考所賜與選侍毫無相干只每月往選侍宮中行一拜
三叩頭禮因不往他宮中住選侍之恨更深其侮慢凌虐
不堪朕晝夜涕泣六七日此闔宮內臣宮眷共見而不忍
言者

皇考自知派與李選侍爲悞每自來勸朕見朕涕泣不止
使各官勸解朕惟每日往朝李選侍以遵

皇考之命而不居其宮此於親疎自有分別朕每暗忖

皇五弟亦在李選侍家朕涕泣啾唧李選侍未有憂色選

侍所行極毒極惡之事朕曾秘諭閣臣不令發抄若避宮不早則選侍牙爪成列盈虛在手朕亦不知如之何矣其中嫌怨安危朕可不早避官乎選侍因毆崩朕

聖母彼自知有罪每使宮眷王壽花等時來探聽不許朕與

聖母下原任各官說一句話如有舊人來問朕安說一句話選侍就拏去重處此朕苦衷日久難伸外廷不能盡知朕今奉養李選侍皇八妹飲食衣服各項錢糧俱從優厚且安享無恙各官何乃猜度過計藉爲口實如異日選侍患病而逝將用人以抵命乎將歸咎于朕乎豈不聞

聖母之崩、繇選侍之闕可不問乎、近來各官奈何不爲聖母、只爲選侍、失其輕重、理法何在、前日刑部執奏、父母之恩、猶天地、後土、則思母德、戴皇天、則思父仁、仁人孝子之用心、固宜如此、朕因有感於衷、父母之讐、不共戴天、朕不加選侍之封號、以慰一

聖母在天之靈、奉養選侍之優厚、敬遵

皇考之遺意、該部亦可謂仰體朕心矣、大小臣工、何不深加體察、惟知私于李黨、責備朕躬、不顧大義、執於小節、朕欲出一嚴旨、切責依庇、內臣執奏、以朕在冲齡、外廷疑爲中旨、喧嚷不休、都姦且不深究、卿等可傳諭大小臣工、今

後務要和衷、各供乃職、毋得植黨背公、自生枝節、以取罪愆、特諭、

大學士劉一燝等上言、

皇上嗣位以來、宮庭肅清、政務沛發、大小臣工、幸際

昌期、勤修職業、乃以形迹影響之疑、互相紛辯、致厯

聖懷、伏讀

聖諭、備述當年宮掖事情、及頃者避宮往來景象、悽境危衷、寔其在且、臣等不勝感愴、又不勝頌仰竊惟

聖母賦性柔雍、即早毓主器之祥、尚忍讓以安

皇考之愛、真是女中堯舜

皇上孝思純篤，即抱此終天隱痛，寧委曲以體

皇考之心，洵爲帝王中曾閔矣。第後先情景，官闈秘密，諸臣多不及知，即知亦何能詳審，以故各持一己之是，過爲不然之疑，甚至以事後論安危，謂周防爲多事。

皇上責以猜疑輕聽，誠或有之。若云庇護黨私，則萬萬不敢，先是屢傳

諭旨，羣情業已洞然，茲復蒙

皇上具述始末，披衷以示，諸臣不感悚省圖，仰副恩意者，非人臣子也。

南臺御史王允成奏保身保治之要。一防嚴官禁，一壯維

城保護 皇五弟一慎內旨一謹票擬一杜旁落一嚴部
覆一勵廉耻一接群臣一諭和衷一親講祀

盜竊承運庫祭器奉

聖旨這所奏寶藏庫錢糧于係重大各當巡看以防不虞
如何十日巡看一次該庫職守何在今被賊人盜挖祭器
疎虞之罪難辭王虎本日欠嚴本當重治姑且不究姚敖
等着司禮監查明具奏賊人敢于禁內行竊大違法紀東
廠并緝事衙門上緊嚴行訪拿務在得獲被挖牆窟水溝
該監即時修理嚴固毋得仍前致有疎虞該衙知道
都給事魏應嘉奏曰頃南科晏文輝題稱南軍挾賞鼓譟

燒毀公署乞行酌議讀之不勝駭愕何京軍敢扞網如此
明旨業已下部該部應速行看議其破壞之原何故其詭
傳之語始自何人衆軍聞訛言而喧嚷于厥府部三四衙
門者的爲何人其燒毀科臣公署的自何人發謀有無大
行搶掠別項情節此皆不可不窮究而確得主名者夫殲
厥魁首協從罔治萬古治亂不易之經也毋得株連使玉
石俱焚毋遲疑使人人自恐一以昭憲法一以安衆心往
時大同寧夏之變軍兵再定再亂不知費多少拮据況留
都爲

祖宗根本重地萬一日久恫疑而有不逞者從中挑之再

以訛言蠱惑其關於文輝者猶小而搖撼根本煽動江海
思亂之邪民并窺伺之奸賊恐禍之流溢有不忍言者是
在當事毋泄泄視之而臣因是有感于大僚之不可久曠
也使留都諸卿貳亭亭在列豈有軍紀不肅一至此者臺
諫之不可久虛也使留都諸言官濟濟受職豈一科臣歷
任至十二載巡視營務至七次一手而握印累至八九顆
者人臣進退之不可不早決也速允文輝之去或文輝毅然
封印自決其去豈有至爲衆軍所側目幾爲煨燼者科
臣遭此大難其去當不俟再計矣夫古有身在禁闥而淮
南寢謀則戡禍定亂實在川人而銓部拔滯仲枉尤關鼓

舞如原任南京科道丁

黃建中汪有功等其人者蓋

與文輝比肩全署該部皆明知其賢者也其挺身任事獨立敢言不畏強禦不惜勞怨徒以失一二當事之意而觸其妬心公道至今寃之當此

聖明御極用人如流直道發舒之會猶沉謫籍不得與左袒要人而必扼之使下乎亦何以鼓舞南臣而使之盡忠報國也哉故與其在今日獨攬魁柄而衆心不許以盈滿召人神之厭孰若在當日愛惜人材而辣手不施則毋薄留都之官而一切振飭紀綱扶持公道勉強從事夙夜匪懈臣尤願南卿貳與臺諫及六曹諸臣益專其官益精其

職庶幾

高皇帝之靈實式憑之而于

祖宗並建兩京之意不至倚輕倚重六師克詰萬年寧謐
鍾阜天塹增其高深興成周歌岐詠豐者比隆論烈使臣
等廬井托在下邑俱得蒙業而安則萬年有道之長端必
由之矣職因事直陳罔避忌嫌統惟

聖明裁察

上曰南軍原無賞例聞訛鼓譟法難輕縱卿部行文南京
各衛門嚴查首惡併該管各官分別奏處

大學士方從哲乞歸奉

聖旨卿純衷體國贊襄密勿茂建勲勞

皇祖宸衷獨斷調劑備苦

皇考新政沛著毗贊良多嗣朕御極已來竭誠調護勞著
三朝從來未有朕眷任耆舊倚賴方殷卿乃連朝乞身情
詞迫切勉從所請成卿雅志著以新任職銜進中極殿大
學士就第賜銀一百兩綵段四表裏大紅紵絲坐蟒一襲
仍准補六年考滿給與應得誥命廕一子尚寶司司丞稱
朕始終優禮至意卿宜愛國愛身以需召用該部知道
詹事公鶚疏言覽臺臣奏有以萬年有道

聖人僅一月太平

天子不覺髮豎刺心、擲冠投袂、仰屋悼歎、竟夜徬徨、又聞
南北臣僚所論、

先帝升遐一節、迹涉怪異、語有包藏、恐因委巷之訛傳、流
爲湘山之稗說、掩

先帝考終之美、貽

陛下共戴之仇、以萬目明見之事、成千古不決之疑、何通
國之人安于朦朧而不早爲之辨也、臣不忍

先帝有不得正命之誣、力思滌濯兩月之晦詞、密緒推科
臣楊漣疏中所述情景、最爲真切、意欲紀爲一書、傳之久
遠、以贊兩代光明謚靖之治、

禮科李若珪奉 旨回話奏曰臣原因司禮監李實劉克敬各一本爲恭選 大婚事內請隨帶推筭官役并請給勘合臣意選婚之法必由粗而後精先擇其淑女之容後以及于本家之籍貫繇州縣而選之府繇府而選送之司道而後推筭八字彙選榮運未有于州縣知選之時即人人推筭借謂隨選而即人人推筭亦宜即用各地方之陰陽生爲便待擇其可當

聖配者彙選京時然後用欽天監推筭非謂必不用欽天監竟用鄉野之人而亂

祖制也臣習見往日之驛騷恐兩勘合並行一路民愈不

愈明

堪是以私憂過計。蓋謂帶推筭之勘合而發。非謂選婚之勘合而發也。臣禮科也。方欲條陳大禮。恭請

聖裁。而不意抄泰。乃冒不諳事體之罪。臣之罪。豈容誅哉。除席榮待罪外。請候

明旨。

大議見大
詳論有用
文章堪與
相平侯直
密教小人
之案疏帝
垂不朽
消公體確
非當用人

戊辰御史方震孺惜人才疏曰。臣惟談盛治者。必曰天下太平。夫天下何以不平。因人心之不平而生也。但使人心既平。則國是日定。群下無爭鬪之風。國家享和平之福。豈不休哉。然太平之氣象。則莫若于人才進退之關矣。論才宜公。不公則不平。程品宜確。不確則不平。用人宜當。不當

則不平。何言乎論才之當公也。夫賢奸不並立。不擇地而生。何地無君子。何地無小人。臣不遑一一屢指。聊舉千百之一二可乎。

從龍首至于淮甸。開平中山。上馬橫梁。下馬賦詩。長江南北。大者王。小者侯。超岐鎬而越豐沛。真千古一再見矣。旣而燕山定鼎。則畿輔之八豪又鼎峙焉。以一狂僧爲真主定策。姚少師固姑蘇之產也。定三大難而再造乾坤。二文成。一忠肅。是又浙江秀氣之所鍾也。性命骨鯁。後先相映。豫章之彥。繼解縉而起者。不一而足也。忠靜宣千古之泰交。文正挽一時之劫運。是又三湘七澤所幻化也。楊新

都之馭權藩趙內江之忤奸相則爲蜀之人平原蒲州內振綱紀外修邊務則爲秦晉其人馬端肅之經濟無雙李文達之平章第一則爲中州人黃忠宣之懇練秦襄毅之孤清楊太師之生榮黃少卿之死諫則爲齊閩其人然而梁文康之章詔游忠介之孤忠以及楊文襄之出將入相不可謂粵海鬼方絕徼而高賢大良蕭索也然則豪傑之生也豈擇地哉

天鍾異人以爲國寶者惟其才而論之而其風土南北剛柔可勿問也各有心知各有意膽各有識路各有造境父不能同之子兄不能同之弟故論才者惟其才

問可
謝公

程

而用之而其梓里親戚與其知交朋友可勿問也人又有
脚步初迷而眼光忽亮亦有一行偶合而末路全差事業
無窮豈止登九重之塔人品難定正宜改三日之觀故論
才者但用其才足以當此事而其前段後段可勿問也
蓋必如是而後稱公人心平矣乃若程品則豈易言哉每
見有一好舉動君子偶借之以行胸臆而小人亦附之以
博名聲一爲認理而着脚一爲藏身而借夥其後日復一
日樂其臭味之近者旣欲盡收之而惡其品類之雜者又
欲盡棄之盡棄之而人心不平盡收之而人心又不平大
爭之生皆在于此不知人有一時之挺勁亦有徹底之澄

清令六時與徹底論之而後品可程也亦有偶然之議論
合于清流亦有生平之好修無慚衮影合議論與生平論
之而後品可程也有羣議正紛而劃開天之妙手有局陣
已定而拾衆口之殘涎合開創與蹈襲論之而後品可程
也即如數十年已來有攻江陵者有攻四明者有攻東林
者就其類而論之各有行徑各有始末亦各有瑕瑜而貌
不殊精神自別非謂題目一正遂可不問其文章說話不
差乃至盡寬其行檢又如同論察典而畢竟捨死報國
者膽氣橫空同一論淮撫而畢竟拚命發端者孤忠可鑒
同一論張差之事而垢者自垢淨者自淨同一撰禮卿而

湖人

因人授官
可謂其官

招權者及覆者如見若夫坦衷直腸寧去官而不肯賣友者豈容並論則臺臣徐揚先之微言爲最者也以類而推程昂者必如是而後確確則人心平矣而若用人則又豈易言哉人知爵祿趨避所以深愛人也而如其用不當反以斷送其平生人知林泉困頓爲不愛人也而不知舍之儘足保全其身價士亦有雅負清修而難言經濟亦有共推蹇諤而未必能任邊疆令劉國緒而不爲贊畫至今享忠朴之譽周永春而不撫遼尚且錄慷慨之膽豈其敗裂遂至于是乎大抵使人者當因人而授官不當以官報人因人授官而一人效一官矣以官報人而一官且累一人

矣。今之所共推者，如李邦華可當煩劇，熊明遇深諳邊情。既已共許其才情，何必深誅以門戶？又如畢懋良而能任，即清卿不足以盡其才。盛世永潔而不枯，則林居何以償其品？韓光祐立朝有色，而假元牽累，至今爲不了之局。竇子偁居官何罪，乃一棺荒草，難追泉下之魂。悲白日之轉丸，慨英雄之易老。蓋天地之生才實難，而用才者亦當不易。違其才者，且深可惜；而況以不用棄之也。以類而推用，人者必如是而後當。當則人心平矣，而微臣有感于紛紜之故，而更欲暢言之也。唯唯靡靡者，無所見，竒烈烈轟轟者，不肖投俗，而時事所長，又不無已甚過當者。有以激發。

其不平而議論于是乎始其初亦未嘗不善而無柰逐臭者競爲貂之續也始不過因之以立節而漸因之以立功名又漸因之以博厚實羽翼既成排櫺甚密雄鷲者冲鋒深密者遣將同我則雲霓異我則泥土其過當已甚又倍于前于是有心者必從而厭之而議論又生矣大抵有旣成之局則有必破之局而無有十年不敗之局俯仰往事真可爲三歎也哉而細窮紛紛之故乃又不止于是也夫

人臣事堯舜之

冲主當休明之盛時自己身上有無限職業何暇照管別人料理開事則爲功名計而功外有功名外有名無大之

是斷紛紜
急若

字一快
使人拍案
叫絕

天光無爰之地與日走日逐患我軀幹不厯氣力不前不
患人之隘塞也今欲使之一歸混同永無爭軌則救時急
着又可深長思矣有未勘之公案講明即止而不必重題
有扼塞之高賢用過即止而不必感歎有當糾叅之匪人
論過即止而不必株連嘗立于四虛之途使已無藩籬之
可測復留此一隅之地使此無辣手自然彼不傷心無爲
後浪之推永戒前車之覆而三代師濟之風可復見于今
日矣或曰此正調停者謂其不痛不痒用一半君子又用
一半小人此其爲害也滋甚假令不標名目不言品類但
擇其君子而用之擇其小人而去之而又憐才不阿私矯

端重政本
銓司是根
源之識

枉。不。過。當。此。正。所。謂。如。劍。揮。空。如。刀。砍。木。永。斷。葛。藤。全。無。
掛。碍。至。快。至。快。者。也。又。何。調。停。之。足。言。哉。雖。然。此。宰。相。責。
也。司。票。擬。者。拿。定。進。賢。黜。奸。主。意。將。是。非。毀。譽。置。之。度。外。
則。衆。議。自。爾。帖。然。此。冢。卿。責。也。掌。銓。衡。者。須。將。一。副。愛。惜。
人。才。心。腸。而。東。西。南。北。歸。之。渾。同。則。士。類。誰。敢。不。服。夫。金。
之。爲。物。也。有。雜。有。錫。一。鎔。以。大。冶。則。暉。暉。蕩。蕩。皆。化。爲。精。
金。矣。夫。宰。相。之。于。冢。卿。司。治。者。也。陶。鑄。若。類。以。保。我。子。孫。
黎。民。能。無。意。乎。伏。乞。

皇上省覽。如果臣言不謬。

勅下該部採擇施行。

知義其神
子

兩朝從傳錄

卷之四

三十一

庚午都給事楊連乞歸疏曰臣楚鄙堅儒荷蒙
神宗拔置諫垣本年八月當

光宗初登大寶陟膺老病之時臣痛念

先帝毓德青宮憂危艱苦垂之十年乃一旦禍發于桑情
不八日命危于奸豎宿毒復圖于再世九鼎孤懸于一絲
殆哉岌岌乎此臣子致命報國之秋也臣是以有發明
聖體違和之繇一疏自分妄言

官版指斥陰邪禍當不測乃蒙

先帝俯垂采納特賜

宣召以一介小臣微主知于病危委頓之時蒙特

賜于大命彌留之日三生自詫爲奇逢千載亦誇其殊遇
臣即畢命誓死粉身碎骨亦何足以酬

天地之高深而報優渥之萬一也乃因本月備述 移宮
始末一疏伏蒙

皇上諭謂臣言極公極正極真極切且有志安社稷忠直
可嘉之褒夫移宮一事本末甚詳加以

聖諭諄諄備言

官闈凌逼之根因詳及見禮篤厚之次第

皇上之量同天海孝隆唐虞既已昭揭千古矢乃微臣于
此則有大不安者三臣發明移宮之故祇以疑關禁近事

恐傳訛垂簾之秘事未聞入井之煩言噴起不得不洗發一番使天下後世曉然知

皇上所以善處家人骨肉之際危疑恩義之間而已乃旋荷

綸綍之褒過微忠直之譽使臣區區發揚

主德之苦心反爲誇翊臣節之左券臣之不安一也繼離出震之時諸臣共有防微慮隱之意當時首請

御文華殿受羣臣嵩呼者部院大臣周嘉謨等也初出

乾清官群瑞擁蔽之日捧

皇上之右手者張維賢也捧左手者劉一燝也臣不過

從諸臣之後同舟遇風之人與長年三老竭蹶號呼相應和而已乃以憤爭之故獨受忠直之名俯慙卑末豈可掩人于朝仰藉清平何敢貪天爲力臣之不安二也以祖宗二百餘年之厚澤兼

先帝三十餘日之深恩

官禁自就肅清

社稷有何捏執而

聖諭以志安社稷爲言君幸有子不必心憂杞國之天而臣獨何人乃敢言手捧虞淵之日微友朋之虛譽猶謂過情叨

君父之寵嘉能無深愧臣之不安三也臣受

皇上之恩最重最深而負不安之心又最真最篤臣今日
引分省循可以仰報

皇上俯全臣節此惟有決去一着而已夫以安社稷爲悅
臣兒童讀詩書即知慕之而人臣立朝又豈有以忠直爲
諱者又況移官始末了然在人耳目且自有

聖明之特知在臣亦有何愧怍有何疑阻而決于求去也
緣臣生平薄相身無媚骨以賦命窮蹇劇世骯髒之人
而際

兩朝知遇被

聖明獎諭之過人生之願望與書生之福力至于此極矣
今日捧戴之

恩綸披

上方之文綺賚

兩朝之賜金步歸里門以忠直二字出告親友入教子孫
以彰

君寵以圖世報覺俯仰之皆寬對讀書而共快即不幸自
先犬馬卒填溝壑持此二字以報

皇考于在天見先人于地下臣可以瞑目安寢且可以歎
龍逢比干于當年遭遇之窮苦乃因循係戀日復一日或

不免借

主○眷○以○梯○榮○挾○忠○憤○以○固○寵○則○臣○之○生○平○自○許○謂○何○臣○之○
向○日○憤○爭○謂○何○始○奮○鷹○鷂○之○逐○而○終○甘○腐○鼠○之○嚇○陰○懷○蠅○
蚊○逐○羶○之○情○而○陽○樹○犬○馬○戀○

主○之○恩○則○豈○臣○之○所○以○自○處○而○亦○非○

皇○上○之○所○以○蓄○臣○也○夫○人○臣○報○主○不○同○有○以○盡○官○奉○職○爲○

報○者○有○以○辭○官○謝○職○爲○報○者○使○臣○居○官○奉○職○一○身○之○識○力○

幾○何○一○事○之○治○辨○幾○何○或○臣○一○去○或○者○知○止○可○以○風○頑○鈍○

能○退○可○以○省○議○論○一○身○之○去○不○過○鴻○毛○而○一○念○之○所○全○不○

獨○此○也○此○又○臣○去○國○之○深○衷○所○欲○自○效○于○

謂身天際
人豈能及
之

陛下者也。臣無病不敢以病請。

皇上未罪臣。臣不能以罪請。惟有明微薄之心。路乞
浩○湯○之○恩○波○放○臣○爲○急○流○勇○退○之○人○同○無○機○無○忌○之○山○農○
野○老○歌○咏○堯○天○舜○日○于○無○窮○而○已○除○臣○本○科○印○信○軍○政○拾○
遺○訪○單○封○付○在○科○聽○臣○同○官○題○請○署○管○外○臣○資○本○赴○
文○華○殿○門○叩○頭○畢○移○出○城○外○候○旨○伏○乞○

聖裁、

辛未

諭大臣朕自御極以來遵承

皇考詔命圖維政理夙夜彌驚所賴內外臣工協力同心

奉公守職、三三大僚、忠君體國、表率諸屬、輔臣如游、爲朕
首簡實嘉清慎、特用沅州、何乃以微言求退、屢論不遵、不
得任用一人、朕思

累朝列聖、簡用閣員、操自宸斷、當時政務修明、直諫不乏、
亦曾有如此抗拒、至于尚書嘉謨克績、一事小嫌、何難
消釋、忿爭求勝、輒欲乞身、且吏部職司統均、推舉苟無失
平、何必避就毀譽、卽刑部近以議獄偏執、奉旨不必疑慮、
何又因事發端、遂至互相倣效、封印杜門、連求去國、大臣
爵位已極、一去何難、

皇考顧命諸臣、以佐朕新政、豈意

兩朝覃賞之後、便爲紛紛求去之風、忘國厚恩、藐朕冲幼、
責以無人臣禮、亦復何辭、歲除在即、百度維新、輔臣如游、
尚書嘉謨克績、命着即出視事、不得仍有賓陳、朕又覽科、
道各官章奏、持心平公者固多、意見偏私者不少、亦因大、
臣忠愛念輕、身家計重、何以浮言搖動、以致國是混淆、人、
心惶惑、成何綱紀、朕奉

祖宗法度、不能坐聽紛囂、致亂朝政、特茲再加申飭、以後、
大臣進退、取自上裁、小臣去留、悉聽部議、如有不奉明旨、
擅自去職、及挾私逞臆、顯肆排擠者、立下廷議治罪、卿等、
可傳示各官、務各懃懃圖清自守、心恪恭職業、以佐平

明之治如或不遵朕命國法具在朕無戲言毋貽後悔故
諭